

**Lampung - Agape Alkitab - God's Love Letter Scriptures**

**Yohanes 15:9 Injuk Bapa mengasihi-Ku, injuk reno muneh Nyak mengasihi keti. Hagani keti tetap hurik injuk jelma sai Kukasihi.**

**Yesaya 43:1,2 - Efesus 2:10 Ram ciptaan-Ni Jehovah, rik liwat Isa Almasih, Jehovah ngebantuk ram in ngelakuko hal-hal betik sai radu disiapko-Ni untuk ram.**

**Yeremia 1:5 - Galatia 1:15 Kidang ulihni betik-Ni hati Jehovah, la milih nyak semakkung nyak laher rik ngurau nyak untuk ngelayani la.**

**Yohanes 15:16 Lain hak keti sai milih Nyak. Nyakdo sai milih keti, rik ngayun keti mik untuk bebuah lamon -- uah-uah sai mak dapok binasa. Maka Bapa haga ngeniko jama niku api gaoh sai keti kilu jama la atas gelar-Ku.**

**3 Yohanes 1:2 bedua semoga Puari sihat-sihat rik sunyinni betik-betik jama niku, gegoh injuk jiwamu betik-betik gaoh.**

**Yesaya 43:4 - 1 Petrus 2:9,10 Kidang keti yakdo bangsa sai tepilih, imam-imam sai ngelayani raja, bangsa sai kudus, khusus untuk Jehovah, umat-Ni Jehovah tenggalan. Jehovah milih keti rik ngurau keti luah jak kekelaman untuk kuruk mik delom terang-Ni sai gemilang, jama maksud in keti nyebarko kabar tentang perbuatan-perbuatan-Ni sai luar biasa. 10 Tumbai keti lain umat-Ni Jehovah, kidang tano keti umat-Ni Jehovah. Tumbai keti mak dikasihani Jehovah, kidang tano keti nerima rasa kesian-Ni.**

**Yeremia 31:3 - Efesus 1:4 Semakkung dunia inji diciptako, Jehovah radu memilih ram liwat Almasih jama maksud in ram jadi kedau-Ni sai khusus rik mak becacat di hadap-Ni. Mani kasih-Ni Jehovah,**

**2 Timotius 1:9 Jehovah nyelamatko ram rik ngurau ram in jadi umat-Ni tenggalan. Ia ngelakuko ano lain bedasarko api sai ram radu guaiko, melainko bedasarko rencana-Ni tenggalan rik rahmat-Ni. Ia ngeniko ram rahmat-Ni liwat Isa Almasih semakkung dunia inji diciptako.**

**Yohanes 3:16 Mani Jehovah nihan-nihan mengasihi manusia di dunia inji, maka la ngeniko Anak-Ni sai tunggal, in unggal jelma sai percaya jama la mak binasa, melainko mansa hurik sejati rik kekal.**

**Hosea 11:8; Yesaya 49:15,16; & Yesaya 41:13,14**

**Lukas 12:32 Keti sai angkah cutik jumlahni, dang rabai! Mani Bapamu**

**senang ngeniko jama keti berkat jak Pemerintahan-Ni.**

**Matius 28:20 Ajarko tian menaati sunyinni sai radu Kuperintahko jama niku. Rik ingokdo Nyak haha selalu menyertai keti sampai akher zaman.**

**Yohanes 14:1 "Dang hatimu gelisah," ani Isa jama tian. "Percayado jama Jehovah, rik percayado jama Nyak-Ku muneh.**

**Mazmur 23:1 - Yohanes 10:11 Nyakdo gembala sai betik. Gembala sai betik ngeniko nyawani untuk biri-birini.**

**Mazmur 23:2 - Wahyu 7:17 mani Anak Biri-biri sai mejong di tengah-tengah takhta haha jadi gembala tian. Ia haha nuntun tian mik sumber way sai ngeni kehurikan. Rik Jehovah haha ngehapus sunyin way mata jak mata tian.**

**Mazmur 23:3,4 - Lukas 1:79 injuk renodo la ngeniko terang-Ni jama unyinni jelma sai hurik delom kekelaman rik kerabaian. Ia nuntun neram di renglaya nuju kedamaian.**

**Mazmur 23:5,6 - 2 Korintus 1:10 lido sai radu nyelamatko sekam jak bahaya kematian sai balak udi. Rik lido juga sai haha nyelamatko sekam kanah di rani sai haha ratong, mani jama lido sekam beharap.**

**Filipi 4:7 Maka sejahtera jak Jehovah sai mak halokni dapok dimengerti manusia, haha ngejaga hati rik pikeranmu sai radu besatu jama Yesaya Almasih.**

**Kiasan 3:24 & Mazmur 4:8 - Yohanes 14:27 Sejahtera Kuttingalko jama keti. Sejahtera-Ku tenggalan sai Kukeniko jama niku. Sai Kukeniko ano lain injuk sai dikeniko dunia jama niku. Dang gelisah, dang rabai.**

**Mazmur 33:18 - 1 Petrus 3:12 Mani Tuhan selalu ngeperhatiko jelma-jelma sai nutuk kehaga-Ni, rik Tuhan selalu ngedengi dua-dua tian; kidang Tuhan ngelawan jelma-jelma sai ngelakuko kejahatan.**

**Roma 5:2 Ulihni seno ram percaya jama Isa, maka la memungkinko ram ngehayati kasih-Ni Jehovah, rik jama kasih senodo ram hurik tano. Ulihni seno ram besuka hati mani ram ngeliak harapan bahwa ram haha ngerasako kebahagiaan sai dikeniko Jehovah.**

**Yesaya 55:12 - Lukas 19:40 Isa ngejawab, "Percayado! Kik keti ngehemba, batu-batu inji haha mekik."**

**Yohanes 16:22 Reno muneh jama keti: Tano keti besusah hati, kidang Nyak haha betungga luot jama keti, maka hatimu haha senang; rik mak sai jelma pun dapok ngakuk kegembiraan seno jak hatimu.**

**Lukas 12:9 Kidangni kik wat jelma sai mak ngaku di hadap jelma lamon  
bahwa ia jelma sai nutuk Nyak, ia juga haga mak diakui ulihni Anak  
Manusia di hadap malaikat-malaikat Jehovah.**

**Matius 10:30 Jumlah buok di ulumu pun radu dihitung sunyinni.**

**Yesaya 54:10 - Matius 24:35 Langit rik bumi haga lebon, kidang cawa-  
Ku tetap selama-lamani.**

**Matius 11:28-30 Ratongdo jama Nyak niku sunyinni sai mebuya, rik  
ngerasako biakni baban; Nyak haga nyegarko niku. 29 Tutukdo  
perintah-Ku rik belajardo jak Nyak. Mani Nyak inji lemoh lembut rik  
rendah hati, maka niku haga ngerasa segar. 30 Mani perintah-  
perintah-Ku nyenangko, rik baban sai Kutanggungko atasmu  
mehampang.**

**Salomo 2:10 & Hosea 2:14,19,20**

**2 Korintus 11:2 Nyak tiram jama niku, injuk Jehovah tenggalan pun  
tiram jama niku. Keti yakdo injuk sai muli sai masih suci sai radu  
kujanjiko untuk dinikahko jama sai kajong, yakdo Almasih.**

**Exodus 3:14 - Ibrani 13:8 Isa Almasih tetap gegoh jak tumbai, tano, rik  
sampai selama-lamani.**

**Hosea 13:4 - Rasul 4:12 Angkah liwat Isa gaoh ulun diselamatko. Mani  
di seluruh dunia di hantara manusia mak ngedok sai jelma bareh pun  
sai mansa kekuasaan jak Jehovah untuk nyelamatko ram.**

**Yohanes 15:14 Keti ano kantik-kantik-Ku, kik keti ngeguaiko api sai  
Kuperintahko jama niku.**

**Yohanes 14:6 Isa ngejawab, "Nyakdo renglaya untuk mengenal  
Jehovah rik mansa hurik. Mak sai jelma pun dapok ratong jama  
Bapa, kik mak ngeliu Nyak.**

**Wahyu 3:20 Liak! Nyak cecok di hadap rangok rik ngetuk. Kik wat  
jelma sai ngedengi suara-Ku, rik ngebukak rangok, Nyak haga kuruk  
nungga ia; Nyak haga mengan jejama ia rik ia mengan jejama Nyak.**